



COMUNU DE MARA
CITADI METROPOLITANA DE CASTEDDU

CÒPIA DELIBERATZIONI DE SU CUNSILLU COMUNALI

N. 20 DE SU 29.05.2019	OGETU: APROVATZIONI REGULAMENTU DE SU SERVÌTZIU DE BIBLIOTECA COMUNALI
---	---

S'annu **duamila e dextennoi**, sa di **bintinoi** de su mesi de **maju** a is oras **19,15** in s'apostent de is acorradas cunsillaris de sa Domu Comunali, a pustis de avisu de tzerriada spratzinau de su Presidenti de su Cunsillu in sa di 21/05/2019 prot. 7658, s'est acorrau su Cunsillu Comunali in setziada pùblica **straordinària e in prima cunvocatzioni**.

Presedit sa setziada Pasquale Pedditzi in sa calidadi cosa sua de Presidenti de su Cunsillu e funt rispetivamente asentis e presentis is Sennoris:

		P	A
1	Fadda Mario	X	
2	Contini Gregorio	X	
3	Corona Francesca	X	
4	Farci Basilio	X	
5	Fogli Ennio	X	
6	Ghironi Sebastiano	X	
7	Melis Antonio	X	
8	Melis Elisabetta	X	
9	Moderana Debora		X

		P	A
1	Mudu Gianluca	X	
2	Pedditzi Pasquale	X	
3	Perra Mariangela	X	
4	Pinna Saverio	X	
5	Serra Francesco	X	
6	Serra Giovanna Maria	X	
7	Uccheddu Maria Rita	X	
8	Usala Antonina	X	
	Totali:	16	1

Nci pigat parti su Vicesegretàriu Comunali **Enrico Ollosu**.

Su Presidenti, averiguau chi is interbènnius funt in nùmeru legali, de crarat oberta sa setziada e cumbidat is tzerrius a deliberai apitzu de s'ogetu numenau a susu.

PREMISSU chi a pitzu de sa propònnida de deliberatzioni chi pertocat a su ogetu, apariciada in su testu

postu innoi asuta, sighendi s'art. 49 de su T.U. de is leis apitzu de s'ordinamentu de is Entis Localis, aprovau cun D. Lgs 18/08/2000 n. 267, ant donau parri favoràbili cumenti si bit de cussu torrau a ponni in custu àutu:

Su Responsàbili de su Servìtziu Sotziali, po cussu chi pertocat sa regularidadi Tènnica;

Su Responsàbili de su Servìtziu Econòmicu Finanziàriu, po cussu chi pertocat a sa Regularidadi Contàbili;

21:05 - Torrat a intrai su Cunsilleri Pinna Savèrio

Cunsilleris presentis in s'apòsentu n.16, assentis n. 1 (Moderana Debora);

SU CUNSILLU COMUNALI

PREMÌTIU CHI:

- cun delibera de Giunta Comunali n. 213 de su 04/11/1977 est stètia apariciada sa Biblioteca Comunali;
- s'Enti favoressit sa crescidura culturali, individuali e culletiva, arreconoscit su deretu de is citadinus a s'informatzioni e a sa documentatzioni, cun sa tarea de impelli s'adelamentu de sa personalidadi e sa partecipazioni scienti a sa vida assotziada;
- s'Enti intzaras entregat a sa Biblioteca Comunali sa tarea de donai cumpridaura a custu deretu atruessu de sa arregòllida, sa organizatzioni e s'impreu pùblicu de dònna genia de informatzioni e documentatzioni;
- sa tarea prus de importu cosa sua est cussa de impelli s'amori po sa ligidura atruessu de atividadis formativas de dònna manera, initziativas specificas, ligiduras animadas, amostaduras, laboratòrius didàticus, visitas ghiadas, atòbius cun s'autori, etc.;
- is servìtzius de sa biblioteca funt donaus sighendi s'allega de sa agualidadi de intrada po totus, chena distintzioni de edadi, ratza, natura, religioni, natzionalidadi, lingua o cundizioni sotziali;
- su servìtziu biblioteca offerit logu po studiai e rapresentat unu logu de atòbiu po is piciocheddus, de manera de benni una alternativa sèria e profetosa a is acontèssius de sperditziu scolàsticu o a is medas bisuras de sa ludopatia
- aintru de sa biblioteca ddoi funt posiduras de computer puru po naviai in internet, chi de dònna manera no at a podi essi impreau po tareas proibias de sa legislatzioni vigenti;

TENTU IN CONTU chi sa gerridura de sa biblioteca est afillada a s'inforas a una cooperativa bincidora de gara de arrendu;

CUNSIDERAU chi su Comunu podit apariciari acòrdius cun istituzionis culturalis e formativas, universidadi e entis de circa po permiti a is studentis de is scolas superioris, neolaureaus, dotorandus de fai atividadi de novitziu aintru de sa biblioteca, puru cun s'arricidura de crèditus formativus o in su s'ituu de s'alternantza scola-traballu: custa borta no est unu traballu e no ocasionat nudda de cumpensu;

CUNSIDERAU in prus, chi po lompi a is tareas ant a essi favorèssias is cullaboratzioni cun is scolas, is universidadi, is assòtzius, is entis e is atras istituzionis pùblicas o privadas, cumprèndias puru is organizatzioni de boluntariu;

PENSAU de profetu arregulai is maneras de intrada e de impreu de is servìtzius in sa biblioteca comunali atruessu de s'aprovazioni de unu regulamentu furmau de n. 14 articulus alliongiu a custa po ndi fai parti integranti e de fundòriu;

BIA sa propònna de su Responsàbili de su Servìtziu Sotziali, apariciada in su testu chi bessit a foras de custa deliberatzioni;

ARRICIU su parri sighendi sa regularidadi tènnica sighendi s'art. 49 de su Decretu Legislativu 18 de austu 2000 n. 267;

BIU su parri bessiu de su Vice Segretàriu Comunali po cussu chi pertocat a sa cunformidadi giuridicu amministrativa de custa deliberatzioni;

BIU s'art. 42, comma 2, litera A de su D. Lgs. 18 de austu 2000, n. 267 chi donat a sa cumpetèntzia de su Consullu comunali sa aprovatzioni de su regulamentu de su servìtziu de tragu scolabus;

BIUS

- su Decretu Legislativu 18 de austu 2000 n. 267 Testu Ùnicu de is Leis a pitzu de s'Ordinamentu de is Entis Localis, e is mudàntzias e aciuntas sighidoras;
- su Statutu comunali;
- su Regulamentu comunali de cuntabilidadi;

ASCURTAU

- su contu de sa propònnida chi pertocat a custa deliberatzioni po parti de su Vice Sindigu Sennora Giovanna Maria Serra;
- su chistionu chi benit postu acurtzau in su verbali de custa acorrada a su cali si torrat a imbiai;
- su Presidenti de su Cunsillu chi, a pustis de airi averiguau chi no ddoi funt declaratzionis de votu po parti de is Cunsilleris, proponit de passai a sa votatzioni

Cun votatzioni manifesta chi at donau custu arresultau: Cunsilleris presentis n. 16, assentis n. 1 (Moderana Debora), astènnius n. 8 (Contini Gregorio - Corona Francesca - Fogli Ennio - Mudu Gianluca - Melis Elisabetta - Pedditzi Pasquale - Uccheddu Maria Rita - Usala Antonina), votantis n. 8, favoràbilis n. 8, trevessus n. 0.

DELÌBERAT

DE DONAI ÀUTU chi is premissas faint parti integranti e de fundòriu de custu àutu.

DE APROVAI su Regulamentu de su Servìtziu de gerridura de sa biblioteca furmau de n. 14 artìculus cument si bit in su testu alliongiu innoi, chi fait parti integranti e de fundòriu cun sa tarea de ghiai is maneras de intrada e de impreu de is servìtzius.

A pustis

SU CUNSILLU COMUNALI

Cun votatzioni manifesta scongiuntada de custu arresultau: Cunsilleris presentis n. 16, assentis n. 1 (Moderana Debora), astènnius n. 8 (Contini Gregorio - Corona Francesca - Fogli Ennio - Mudu Gianluca - Melis Elisabetta - Pedditzi Pasquale - Uccheddu Maria Rita - Usala Antonina), votantis n. 8, favoràbilis n. 8, trevessus n. 0.

DELÌBERAT

de fai custu documentu, cun votatzioni scongiuntada fata artziendi sa manu, esecutàbili deretu, sighendi s'art. 134, comma su de cuatru de su decretu legislativu 18 de austu 2000 n. 267.

Ligiu, aprovau e firmau.

Su Presidenti
F.au Pasquale Pedditzi

Su Vice Segretàriu Comunali
F.au Enrico OLLOSU

**PARRIS CHI PERTOCANT A S'ART. 49 DE SU DECRETU LEGISLATIVU 18.08.2000 N^U 267
Testu Ùnicu de is leis a pitzu de s'Ordinamentu de is Entis Localis**

Castiendi a sa propònnida chi est in s'ogetu de sa delibera, is sutascritus ant amostau is parris chi ddoi funt innoi asuta:

PARRI IN ÒRDINI A SA REGULARIDADI TÈNNICA	Si donat parri favoràbili a sa regularidadi tènnica Mara, su 20/05/2019	Su Responsàbili de su Servìtziu Sotziali F.au dot.ssa Ignazia Podda
--	--	---

PARRI IN ORDINI A SA REGULARIDADI CONTÀBILI	Chena rilevantzia contàbili Mara, su	Su Responsàbili de su Servìtziu Economicu Finanziàriu
--	---	--

Su Responsàbili de su Servìtziu cunfrimat chi custu àutu no ocasionat nisciunu càmbiu deretu o nono a pitzu de sa situatzioi econòmicu-finanziària o a pitzu de s'asienda de s'Enti

Mara, su 20/05/2019

Su Responsàbili de su Servìtziu Sotziali
F.au dot.ssa Ignazia Podda

PARRI DE CUNFORMIDADI GIURÌDICU AMINISTRATIVA

Su sutascritu Segretàriu Comunali, sighendi s'art. 8 comma 4 de su Regulamentu po sa disciplina de is scrucullus de aintru

BESSIT

a pitzu de sa propònnida de deliberatzioni in ogetu, parri de regularidadi amministrativa FAVORÀBILI

Mara, su 20/05/2019

Su Segretàriu Comunali
Enrico Ollosu

Su sutascritu Segretàriu comunali sighendi sa lei regionali 4/02/2016, n.2 e ss,mm.

ATESTAT

chi còpia de custa deliberatzioni est stètia apicigada in sa di de su 05/06/2019 in s'Albu Pretòriu onLine po 15 diis sighius (n. 1022 de fichidura) e in su matessi tempus imbiada a is capigruppo cunsillaris (Prot n° 8269 de su 05/06/2019);

Mara, su 05/06/2019

SU VICE SEGRETÀRIU COMUNALI
F.au Enrico Ollosu

Su sutascritu Segretàriu comunali, bius is àutus de ufìtziu

ATESTAT

chi s'esecutividadi de custa deliberatzioni cumintzat de su **29/05/2019**

[] - passadas 10 diis de sa di de publicatzioni, no funt lòmpias pediduras de imbiu a su scrucullu prebennidori;

[X] - poita decrarada esecutàbili deretu;

Mara, su 05/06/2019

Su Vice Segretàriu Comunali
F.to Enrico Ollosu

Custa còpia est cunforma a s'originali e si lassat po impreu amministrativu e de ufiziu

Mara, su 05/06/2019